

IZVJEŠTAJ O AKTIVNOSTIMA PSD PTT „PRIJATELJ PRIRODE“ ZA PERIOD MAJ 2010. – MAJ 2011. GODINE

KOMISIJE I ORGANI

Na izbornu-izvještajnoj skupštini koja je održana 27.maja.2010. godine izabrana su novi organi upravljanja Društvom. Novoizabrani Upravni odbor pristupio je formiranju komisija neophodnih za rad, usvojen je pravilnik o radu Upravnog odbora i pokrenut je niz aktivnosti na daljoj afirmaciji društva.

- UO imenovao je zamjenika predsjednika – Mirsad Huseinović, sekretara – Mašnić Faruk i blagajnik-Darko Vilhelm, te su formirane komisije i određeni njihovi predsjednici. Komisija za dom – Alija Agić, komisija za izlete – Mirsad Huseinović te komisija za marketing – Edina Hadžić. Komisije su napravile smjernice i planove za dalji rad, te se pristupilo i realizaciji istih.

- Upravni odbor je održao 41 sjednicu, i u prosjeku je prisustvovalo 6,4 člana .

DOM

U protekloj godini na domu su izvođeni radovi neophodni za normalno funkcionisanje objekta, kako oni koji spadaju u redovno održavanje tako i oni koji su planirani od komisije za dom. Zamjenjene su sve škure na domu koje nisu bile u funkciji, zamjenjen je prozor u sobi br. 5, u sali je ugrađen portal na kuhinji, izvršena je opravka stolica i stolova, pur-pjenom su zatvorene sve šupljine oko prozora, stavljeni su okapni limovi na prozore, okolina doma je redovno održavana i čišćena. Obezbeđena su drva za grijanje, kupljene su nove papuče za dom, nabavljen je materijal i izvršeno je farbanje drvenih dijelova na domu. Izvedeni su radovi na skidanju stuba GSM-a, te sanaciji štete nastale skidanjem i neodržavanjem stuba.

Poslije otkazivanja domačina Salke Ploče, raspisan je konkurs te je formirana komisija koja je poslije obavljenih intervjuja predložila upravnom odboru novog domačina. Izabran je Rifet Karić. Sa novim domačinom je potpisan ugovor i izvršena je primopredaja.

U domu je redovno rađena dezinfekcija i deratizacija, a nivo higijene u i oko objekta je podignut na još veći nivo.

Po odluci upravnog odbora, a na osnovu prikupljenih ponuda dom je osiguran kod VGT osiguranja.

PLANINARSKJE AKTIVNOSTI

Broj izleta i pohoda se u odnosu na predhodne godine povećao, što je pokazatelj da se ovom dijelu aktivnosti društva posvetila maksimalna pažnja.

Organizovano je 12 izleta i pohoda na kojima je učestvovalo **181 planinar**, što znači da je na izletima bilo u prosjeku 15 planinara po izletu. Od toga je jedan izlet bio međunarodnog karaktera, dok su dva bila dvodnevna.

Organizovano se išlo na proslavu dana planinara gdje se društvo dostojno predstavilo i prezentovalo. Naši članovi učestvovali su i na pohodima drugih društava gdje smo pozivani.

Organizovan je dvodnevni doček Nove Godine za 40 ljudi, uspješno je organizovana proslava 1. Maja u našem domu, gdje je organizovan ručak i smještaj za preko 100 ljudi.

ŠKOLA SKIJANJA

I u ovoj godini organizovana je škola skijanja i zimovanje za najmlađe članove društva i sve one koji su prepoznali kvalitet naše škole. Kroz školu je prošlo **118** djece u tri smjene, od čega je na cjelodnevnom boravku bilo 111 a sedmero je vozarilo. O djeci se brinulo 15 poslužioaca, 1 medicinski radnik, kuhar, 2 pomoćna radnika i 5 instruktora. Zimovanje je i pored nedostatka snijega bilo vrlo uspješno i te je društvo i ovaj put dokazalo da se maksimalnim zalaganjem svih članova može i mora očuvati kvalitet i prepoznatljivost naše škole.

MARKETING

Društvo je kroz komisiju za marketing u protekloj godini sklopilo reklamno – sponzorski ugovor sa BH Telecomom, konkurisalo je za donacije sa više projekata u javnim i privatnim preduzećima, uspješno konkurisalo u Federalnom ministarstvu sa projektom trim staze.

Web stranica društva je redovno održavana i ažurirana, a velika posjećenost stranice je pokazatelj da je naše društvo uspjelo i na ovaj način naći put do svojih članova i onih koji bi to željeli postati.

FINANSIJSKI IZVJEŠTAJ ZA 2010 GODINU

U 2010. godini društvo je i pored ulaganja u infrastrukturu pozitivno djelovalo. Ostvarena dobit je **2.840,13** KM.

Sarajevo, 21.07.2011

Predsjednik društva

Dževad Brdarić